



Forsætisnefnd

Reykjavík, 18. september 2026

MSS26080081

Ný samþykkt íþróttá- og útilífsráðs

Á fundi forsætisnefndar dags. 4. september voru lögð fram drög að nýrri samþykkt íþróttá- og útilífsráðs. Eftir yfirferð menningar- og íþróttasviðs voru endurskoðuð drög kynnt á fundi ráðsins 11. september sl.

Nú liggur fyrir endanleg tillaga að nýrri samþykkt og er óskað eftir því að forsætisnefnd vísi henni til umsagnar íþróttá- og útilífsráðs.

Virðingarfyllst,
Helga Björk Laxdal
Skrifstofustjóri borgarstjórnar

Hjálagt: Tillaga að nýrri samþykkt íþróttá- og útilífsráðs



Reykjavík

Samþykkt fyrir íþrótt- og útilífsráð Reykjavíkurborgar

Umboð

1. gr.

Íþrótt- og útilífsráð starfar í umboði borgarráðs með þeim hætti sem nánar er kveðið á um í samþykkt þessari, samþykkt um stjórn Reykjavíkurborgar og fundarsköp borgarstjórnar nr. 1020/2019 með síðari breytingum og eftir því sem lög mæla fyrir um.

Verksvið

2. gr.

Íþrótt- og útilífsráð skal móta stefnu í íþrótt- og útilífsmálum, taka ákvarðanir og gera tillögur til borgarráðs hvað varðar verksvið þess. Íþrótt- og útilífsráð fer ásamt menningarráði með eftirlit með rekstri menningar- og íþróttasviðs, og að samþykktum og stefnumörkun Reykjavíkurborgar á verksviði ráðsins sé fylgt. Þá fer ráðið með önnur þau verkefni sem borgarráð ákveður.

Menningar- og íþróttasvið annast framkvæmd stefnu og verkefna ráðsins og samskipti við aðrar stofnanir borgarinnar. Menningar- og íþróttasvið skiptist í þrjár meginstoðir, menningarborgina, íþróttaborgina og útilífsborgina ásamt skrifstofum sviðsins. Stofnanir sviðsins heyra undir viðkomandi stoðir eftir því sem við á.

Verkefni

3. gr.

Íþrótt- og útilífsráð fer m.a. með eftirtalin verkefni á sviði íþrótt- og útilífsmála:

1. Gerir tillögur til borgarráðs um íþróttastefnu og útilífsstefnu Reykjavíkurborgar.
2. Vinnur að eflingu íþrótt- og útilífsstarfs í Reykjavík í samræmi við stefnumörkun borgarinnar og í samstarfi við Íþróttabandalag Reykjavíkur. Þetta er gert með því að virkja stofnanir borgarinnar, örva almenning til þátttöku og gefa honum tækifæri til að njóta íþrótt- og útivistar.
3. Hefur eftirlit með starfsemi og rekstri mannvirkja á sviði íþrótt- og útilífsmála sem eru í eigu Reykjavíkurborgar eða sem Reykjavíkurborg hefur veitt styrki til.
4. Hefur eftirlit með framkvæmd laga og reglugerða á sviði íþrótt- og útilífsmála, að því marki sem löginn leggja skyldur á herðar sveitarfélaga.
5. Gerir tillögur til borgarráðs að gerð nýrra mannvirkja til íþrótt- og útilífsstarfs, ásamt tillögum um rekstur þeirra eftir því sem við á.
6. Vinnur að nýsköpunar- og þróunarstarfi á sviði íþrótt- og útilífsmála og sér til þess að upplýsingar um íþrótt- og útilífsmál og þá þjónustu sem í boði er séu aðgengilegar.
7. Fer með málefni Fjölskyldu- og húsdýragarðsins, Nauthólsvíkur, Ylstrandar, Sigluness, skíðasvæða, sundstaða og íþróttamiðstöðva. Gerir tillögur til borgarráðs um stefnumörkun viðkomandi stofnana.
8. Hefur eftirlit með framkvæmd samstarfssamninga Reykjavíkurborgar við lykilaðila í íþrótt- og útivistarlífi borgarinnar, s.s. Íþróttabandalag Reykjavíkur.
9. Veitir umsagnir um íþrótt- og útilífstengd erindi að beiðni borgarráðs og í samræmi við verklagsreglur Reykjavíkurborgar um gerð og meðferð umsagna, álit og önnur gögn til þingnefnda og samráðsgáttar stjórnvalda.

Ágreiningi um hvort tiltekið erindi heyri undir ráðið ber að vísa til borgarráðs.

4. gr.

Íþrótt- og útilífsráð skal ávallt í störfum sínum fylgja öllum stefnumarkandi og almennum samþykktum borgarstjórnar og borgarráðs.

Skipan

5. gr.

Íþróttta- og útilífsráð er skipað 7 fulltrúum kjörnum af borgarstjórn og jafnmörgum til vara. Borgarstjórn kýs formann og skal hann vera borgarfulltrúi. Ráðið kýs sér varaformann og skiptir að öðru leyti með sér verkum. Kjörtímabil ráðsins er hið sama og borgarstjórnar.

Íþróttta- og útilífsráð getur í sérstökum tilfellum skipað undirnefndir, stýri- eða starfshópa til að fjalla um afmarkaða málaflokka eða verkefni í samræmi við reglur Reykjavíkurborgar um starfs- og stýrihópa. Slíkum nefndum og hópum skal setja erindisbréf þar sem skilgreind eru helstu verkefni og starfinu sett tímamörk. Tilkynna skal um skipan allra undirnefnda, stýri- og starfshópa til borgarráðs.

Íþróttta- og útilífsráð getur heimilað setu áheyrnarfulltrúa á fundum ráðsins með málfrelsi og tillögurétt samkvæmt nánari ákvörðun ráðsins og samþykki borgarráðs.

Verkstjórn og verkaskipting

6. gr.

Formaður íþróttta- og útilífsráðs er í forsvari fyrir ráðið um stefnumótun og ákvarðanir þess, eftir því sem við á og hefur ásamt öðrum fulltrúum í ráðinu eftirlit með framkvæmd mótaðrar stefnu í málaflokknum.

Sviðsstjóri menningar- og íþróttasviðs ber ábyrgð á framkvæmd ákvarðana ráðsins og rekstri og stjórnsýslu sviðsins, þ.m.t. að fjármál og starfsmannamál séu innan heimilda og í samræmi við stefnu borgaryfirvalda.

Boðun funda og fundarsköp

7. gr.

Íþróttta- og útilífsráð heldur að jafnaði tvo fundi í mánuði. Formaður getur boðað til aukafunda eftir þörfum. Komi fram ósk þriggja ráðsmanna um fund í ráðinu ber að verða við því. Fella má niður fundi í allt að tvo mánuði að sumarlagi.

Formaður boðar til funda, ákveður dagskrá í samráði við sviðsstjóra menningar- og íþróttasviðs og stýrir fundum ráðsins. Á dagskrá skulu m.a. tekin mál sem fulltrúar í ráðinu hafa óskað eftir að tekin verði þar fyrir, enda séu þau á verksviði ráðsins. Fundir skulu boðaðir með a.m.k. tveggja sólarhringa fyrirvara, dagskrá skal fylgja fundarboði auk þess sem birta skal hana á opnum vef Reykjavíkurborgar ásamt fundargögnum. Rafræn boðun fundar og útsending fundargagna telst fullgild boðun. Aukafundi skal boða með a.m.k. sólarhrings fyrirvara ef því verður við komið.

Heimilt er að taka mál til meðferðar í ráðinu þótt ekki sé það tilgreint á útsendri dagskrá, en skylt er þá að fresta afgreiðslu þess til næsta fundar sé þess óskað. Um fundarsköp fer eftir samþykkt um stjórn Reykjavíkurborgar og fundarsköp borgarstjórnar nr. 1020/2019 eftir því sem við á.

Sviðsstjóri menningar- og íþróttasviðs skal sitja fundi ráðsins með málfrelsi og tillögurétt. Þá getur ráðið boðað til fundar einstaka starfsmenn Reykjavíkurborgar sem og aðra þá sem það telur þörf á hverju sinni.

Fundaskipulag og ritun fundargerða

8. gr.

Ráðsfundur skal að jafnaði haldinn fyrir luktum dyrum og er þá óheimilt að greina opinberlega frá ummælum sem fram koma hjá einstökum fundarmönnum. Ráðið skal halda gerðabók og senda eftirrit fundargerða til borgarráðs jafnóðum. Um ritun fundargerða fer eftir leiðbeiningum innanríkisráðuneytisins um ritun fundargerða sveitarstjórna, sbr. 2. mgr. 19. gr. Sveitarstjórnarlaga nr. 138/2011, sbr. 15. gr. samþykktar um stjórn Reykjavíkurborgar og fundarsköp borgarstjórnar nr. 1020/2019 og verklagsreglum skrifstofu borgarstjórnar um fundargerðir nefnda og ráða Reykjavíkurborgar.

Menningar- og íþróttasvið sér um skrifstofuhald fyrir ráðið og leggur því til fundarritara. Í upphafi árs skal kynna fundadagatal ráðsins. Þar komi m.a. fram tímasetning funda til

undirbúnings starfs- og fjárhagsáætlunar og yfirferðar ársfjórðungsuppgjöra, ásamt tímasetningu opinna funda og samráðsfunda með hagsmunaaðilum eftir því sem við á.

Samráð

9. gr.

Íprótta- og útilífsráð ber ábyrgð á upplýsingamiðlun og samráði við íbúa, félagasamtök og aðra hagsmunaaðila sem tengjast verkefnum ráðsins. Ráðið skal leita umsagna eða annars samráðs þegar við á og efni mála gefur tilefni til. Við undirbúning veigamikillar stefnumörkunar til langs tíma skal leggja fram í ráðinu sérstaka áætlun um hvernig haga á samráði við stefnumótun.

Íprótta- og útilífsráð hefur nána samvinnu við félög og aðra sem hafa íprótta- og útivistarmál á sinni stefnuskrá, mótar stefnu um samstarf við þau og gefur þeim kost á, eftir því sem þurfa þykir að tilnefna fulltrúa til samstarfs.

Íprótta- og útilífsráð ber að halda opinn fund annað hvert ár og skal dagskrá hans og fyrirkomulag kynnt með góðum fyrirvara, m.a. fyrir borgarfulltrúum, helstu samstarfsaðilum, félögum og samtökum sem starfa að íprótta- og útivistarmálum í borginni.

Fjármál

10. gr.

Íprótta- og útilífsráð fær fjárhagsramma ásamt menningarráði vegna verkefna sem undir þau heyra og felur sviðsstjóra menningar- og ípróttasviðs að vinna starfsáætlun og tillögur í frumvarp að fjárhagsáætlun í samræmi við stefnumótun og forgangsörðun ráðsins.

Ráðið afgreiðir starfsáætlun og hefur eftirlit með að tillögur í frumvarpi að fjárhagsáætlun séu í samræmi við starfsáætlun og mótaða stefnu.

Tillögur um breytingar á rekstrinum sem leiða til breytinga á gjaldskrá eða þjónustu skal sérstaklega skýra og rökstyðja. Formaður ráðsins og sviðsstjóri kynna borgarráði starfsáætlun og tillögur í frumvarpi að fjárhagsáætlun.

Ráðningar

11. gr.

Borgarráð ræður sviðsstjóra menningar- og ípróttasviðs að fenginni tillögu borgarstjóra, til fimm ára í senn. Sviðsstjóri menningar- og ípróttasviðs ræður í aðrar stjórnunarstöður á sviðinu. Forstöðumenn eða aðrir stjórnendur ráða aðra starfsmenn á starfsstaði menningar- og ípróttasviðs.

Málsmeðferð

12. gr.

Við undirbúning mála og stjórnvaldsákvörðanir skal þess gætt að farið sé að stjórnsýslulögum og verklagsreglum um stjórnsýsluna.

Óski aðili frekari rökstuðnings eða beri hann fram kvörtun vegna afgreiðslu menningar- og ípróttaráðs skal honum leiðbeint um réttarstöðu sína, m.a. um heimild til að óska endurupptöku stjórnvaldsákvörðunar í borgarráði með hliðsjón af 24. gr. stjórnsýslulaga nr. 37/1993. Telji borgarráð að skilyrði endurupptöku séu fyrir hendi skal menningar- og ípróttaráð taka málið upp að nýju.

Um hæfi kjörinna fulltrúa og starfsmanna vísast í samþykkt um stjórn Reykjavíkurborgar og fundarsköp borgarstjórnar nr. 1020/2019 með síðari breytingum.

Samþykkt þessi tekur þegar gildi og fellur þá jafnframt úr gildi samþykkt fyrir menningar- og ípróttaráð frá 17. desember 2024.

Samþykkt í borgarstjórn

XX. október 2026